

弘道館記



□13

3468



弘道館記



門 口 13  
號 3468  
卷

知道館記  
知道者何。人能弘道也。道者何。天地之大經。而生民不可須臾離者也。知道之館。何為而設也。恭惟上古

黑川真道藏書

黑川真道藏書

百新堂藏書

神聖立極垂統。天地位  
焉。萬物育焉。其所以  
照臨六合。統御寓內  
者。未嘗不由斯道也。  
寶祚以之無窮。國體以  
之尊嚴。蒼生以之安

寧。蠻夷戎狄以之率  
服。而  
聖子神孫尚不肯自足。  
樂取於人以為善。乃  
若西土唐虞三代之  
治教。資以贊

皇猷。於是斯道愈大愈明。而無復尚焉。中世以降。異端邪說。誣民惑世。俗儒曲學。舍此從彼。化陵夷。禍亂相踵。大

道之不明於世也。蓋亦久矣。我東照宮撥亂反正。尊王攘夷。允武允文。以開太平之基。吾祖威公實受封於東土。夙慕

日本武尊之為人尊  
神道繕武備。義公  
繼述嘗發感於夷齊。  
更崇儒教。明倫正名。  
以蕃屏於國家。  
爾來百數十年。世承

遺緒。沐浴恩澤。以至  
今日。則苟為臣子者。  
豈可弗思所以推知  
斯道發揚先德  
乎。此則館之所以為  
設也。抑夫祀

建御雷神者何。以其  
亮天功於草昧。留威  
靈於茲土。欲原其始。  
報其本。使民知斯道  
之所繇來也。其營孔  
子廟者何。以唐虞三

代之道。折衷於此。欲  
欽其德。資其教。使人  
知斯道之所以益大  
且明。不偶然也。嗚呼  
我國中士民。夙夜匪  
懈。出入斯館。奉

神州之道。資西土之  
教。忠孝無二。文武不  
岐。學問事業。不殊其  
效。敬神崇儒。無有偏  
黨。集衆思。宣群力。以  
報國家無窮之

恩。則豈徒祖  
宗之志。弗墜。

神皇在天之靈。亦將降

鑒焉。設斯館以統其  
治教者。誰權中納言  
從三位源朝臣齊昭



也。  
天保九年歲次戊戌  
春三月齊昭撰文并  
書及篆額

三

二

